

# Nuorttanaste

Hærra! Orromvisten læk don læmaš migjidi sogast sokki.“ (Salma 90, 1).

„Oecet baica Ibmel rika, de buok dak digjidi addujuvvujek!“ (Luk. 12, 31.)

Nr. 8.

17. jakkegærddo.

»Nuorttanaste maksa ovta kruvna jakko- dagast, bladde dinggujuvvu juokke poastarappe bokte.

Korsfjord'ast:  
30ad April 1915.

»Nuorttanaste olgnsboatta guovte gærde manost — dam 15ad ja dam 30ad bæive juokke manost.

## Hærra bagadus.

Gœça, audogas læ dat olmuš, gæn Ibmel bagada, ja dam buokvægalaža bagadusa ale bagjelgæça Dastgo son havvadatta, ja son čadna; son časka, ja su gieđak dalkodek. Job. 5,17—18.

Mist læk min oudast dast soames sanek min almalaš ačest maina læ stuora mavsolašvuotta, ja maina mi berrep valdet dam rivtes oapatasa. Ibmel sadne læ čuovgga ja saltte, diettep mi.

Go mon davja læm lokkam daid sanid, de læm mon boattam jurdašet ovta olbma ala, gæst legje sikke buorek ja bahas bæivek, likko ja likkotesvuotta, ilok ja givsek. Dat olmai læi Job. Gosi i oktage olmuš dam boares testamentalaš aigest šaddam nuft gillat rumašlažat go Job. Vaiko ibmelbalolaš ja sivoi, de bodi almake likkotesvuotta su guovddo. Āmbo mærkalaš læ dat, atte satan oažoi Ibmelest lobe givsedet Job bahas givsiguimi; mutto su hæga son i ožžom lobe duššadet. Satan celki Ibmeli, atte Job rakista su, dainago son læi su buristsivnedam buoredagoiguim, ja nuft gæččali satan Ibmela, atte Ibmel suovai satan valddet Job ječas halddoi. Ja dalle mi oažžop jakket, atte dat i læm læika go Job bodi bærgalaga gazai sissa; dastgo dat bahavuoda oaivvamuš i sæste gal olbmu. Mutto buorre diettet, atte satan i ožžom valddet Job hæga; daihe sielo. Nuft gukkas don oažok mannat,

mutto ik tommage gukkebuidi celki Hærra satani. Satan læ gal famolaš, mutto Hærra bagjelman-na su famost ja raddijumest. Dat læ stuora jedditus diettet migjidi, atte Ibmel læ ollo famolebbo go satan, jos son dam i lifči, de æp lifči mi goassege bestujuvvum suddost, ja æp goassege bæssam doaivvut agalaš ællem ja ilo hærvasvuodast. Jesus læ vuoitam bærgalaga bagjel, ja nuft galggap maidai mige vuoitet Jesus bokte. Hærvas duottavuotta!

\*

Ibmel armo bokte aigom viggat ouddan doallat min lokkidi mavsolašvuoda Hærra bagadusast. Vnost namata Hærra, atte dat olmuš læ audogas, gæn son bagada. Jurdaš, atte læt audogas, go bagadus boatta, go Hærra sadde bagadusa-risse su manaides guovddo; daihe dat læš moraš, hætte, davdda daihe æra atestus, mi boatta min guovddo, de læp mi audogasa, mærkašet; jos son læ oskolaš, gæn guovddo Hærra bagadus boatta, de læ son audogas. Dat ibmelmættom i læk damditi audogas, jos vela son gilla givsid, berrip mi mærkašet.

Mi olbmuk læk alo nuft jorggot, atte mi æp ibmerd Hærra gæinoid ja laidašæme minguim. Go ouddamærka diti mist juogalagaš vaddo daihe gikse, de læp mi gerggos jurdašet, atte Ibmel læ æmbo garas min vuostai go daid, gæina æi læk givsek daihe atte Ibmel læ guoddam mim min ječamek halddoi. Mutto dat i læk nuft. Fargabut læ Ibmel dalle æmbo lagamusta, go mist læk vaddok ja hædek ja læ ješ gutte

gœppodatta atestusa-noade migjidi. Mu obba nuorravuoda agest læm mon ællam sikke bnridd ja bahaid, ilo ja moraš ja maidai rumaš gillamušai buocatuosa bokte; mutto Hærrai gudnen satam mon ječčam dovdo čada cælkket, atte son læmaš dalle munji lagamusta, go mon læmaš stuoremus vaddost ja gillamušast, vaiko monge læmaš garves jurdašet, atte Hærra læi mu guoddam. Nuftgo oskolaš Ibmel armost ja Jesus lonestæme bokte satam mon duodaštet min rakis lokkidi, atte buok maid Ibmel læ saddim mu guovddo, daihe baha daihe buorre, dat læ garttam munje buorren, go mon læm viggam rakistet su. Dam læ son ješ cælkam (Rom. 8,28). Ja Hærra læ saddim vaddoid maidai mu guovddo, damditi go son oini su æcalaš visesvuodast, atte mon darbasiim daid, Mutto son læi maidai olmai eritvalddet givsid, goit muttom muddoi, su datos mielde.

Mon læm visses dam ala atte ædnagak sist, gæk læk alggam æccet Ibmel ja boattam su særvvuttu, læk dovddam dam sæmma go monge, go dat læ sardnom bagadusa birra Hærrast. Nuft dat læmaš juo algost, ja nuft dat šadda nuft gukka go mailbme čuožžo. Bagadus læ juoga, mast i oktage kristalaš sate vælfttat, ja dat gulla milde juokkehaža ælemi ja dillai. Diedostge læk moaddelagaš bagadusak daina moaddelagaš olbmuin. Soames šadda gillat su ællemestes æmbo vaddoid; sin ællem læ æmbo dievva morrašin ja givsin. Ārak fast

gosi illo dittek maidege morrašid ja oera vaddoid ælededinæsek. Dat æro čajetæme daggar gævatusain, atte „Ibmel dakka eratusa personalažat,“ mi goit i læk nuft.

Jurdašekop, moft dat ædnam laš ačče fertte bagadet ja ravvedet su manaides, go dak ferijek boasto lakai. Valddop mi daina ouddamærka. Vaiko dat ædnamlaš ačče rakista su manaides, de bagada son sin bagadusa rissin vai si æi nubbe gærde daga bahaid ja jos mi galggap cælket skælmalašvuodaid.

Aido sæmma lakai mænnođa min almalaš ačče su rakis manaiquim, minguim, go son datto min bagadet, go mi suddodep su vuostai, ja damditi, vai mi galggap boattet dovddat su ačalaš ouddastmorraša ja su dato minguim. Mutto mi galggap maidai mærkaset, atte Ibmelest læ manga gærdadai stuoreb rakisvuotta migjidi, go dam ædnamlaš ačest ja ædnest læ sedno manaidi. Dam ala læk ædnag duodaštusak Ibmel sänest.

Mutto dat læ nuft havske ja imašlaš min aččin almest, atte go son havvadatta, de son fast čadna havid, ja go son časka, de su gieđak fast dalkodek. Go mi nuft diettep, atte Ibmelest læ fabmo dakkat maid son datto, ja atte go mi læp famotæme ja gavnetæme de læ son gievrra ja famolaš min væketet. Damditi, rakis ustebak buok mi min guovddo boatta min ællemest, de balkkestekop mi dam Hærra ala, dastgo son adna fuola min oudast, nuftgo son ješ læ cælkkam (1 Pet. 5,7).

**Ovla Hændrak.**

## Brævak.

**Okta imaš!**

Hrr. redaktora!

Bivdam oažžom varas saje „Nuorttanastai“ muittalam diti sagai dobe min guovlust. Bivddo læ læmaš vanis dam ragjai sikke rumašlažak ja vuoiŋalažak. Mi læp blađin lokkam manga sajest gullujik jottam sardnedægjek, sikke oarjen ja Lagesvuonast daggo

birrasen. Mutto dabe, namalasi Dorskašvuonast (Torskefjord) si æi læk læmaš dastesgo John Josefsen jodi, ja dat læi juo boarest jagest 1914. Muttomak læk loppidam dabe fidnat, mutto læk mannam dampain mæddel æra sagjai. Dat læ vissa sin miela vuostai fidnat daggar sajen gost æi gavnu kistalaš olbmuk. Davja jottek dabe jotte olbmuk, mutto Ibmel sane doaimatægjek æi fal fina.

Daggobokte loappatam mon mu hæjos čallagam muittotam varas buok Ibmel sane doaimatægjidi, adnet multos minge dabe.

Savam dærvuodaid buok blađe lokkidi gukken ja lakka.

Torskefjord, Laksefjord dam 19--4.

Nic. Pedersen.

### Bajasčuvvgitussan.

Dal dovdam sagga darbašlažan atte čallet bitta min rakis blađdai „Nuorttanastai“ nuftgo bajasčuvvgitussan dam harrai, maid okta Alta dača jærai must mannam gæse, go mi leimek dobbe fiermastaddamen, atte diedamgo mon, gosa dat stuora guolek šaddet go æi læk dam javrest?

De dal mon vastedam, atte guolek, ravdok ja dabmok agjanet šaddat čieča—gavce jage ouddalgo dak stuora guollen, ja dak sæmma guolek æi alge goddet ouddalgo vida—guda jagest. Mutto dačain læ nuft baskis fiermek, atte arvo mielde goddek 3—4 jakkasaš gulid. Dačai fierbme i læk æmbo go 2 suorma fierbmečalbme. Vaiko boares sabmelažain læi mæreduvvum fierbmečalbme 3 suorma, ja daggar fierbmečalbme goččuduvvui samegiel sanin „gaige gallan“. Ja mon savašim, atte daggar fierbmečalbme fast galgaši mæreduvvut, nuftgo Sabmelažak sittek. Ja nuftgo mon læm vuttivalddam, ravdok ja dabmok æi alge goddet ouddal 5—6 jagest; mutto de darvvanek dača fierbmidi, go dak læk nuft baskik. Ja mu mielast orru dat stuora suddo atte billestet Ibmel bældo. Almahal mi galgašeimek læk dalidoallek Ibmeta obmudagađid bagjel.

Dam bittast sardnujuvvu Avče-

javre gulid diti. Dačak sardnek, atte dam javrest æi læk stuora guolek, ja dat læ gal duotta, go dak æi bæsa šaddat stuoresen. Mutto 40 jage dastouddal legje hui valljit stuora guolek go æi læm vela bivddujuvvum dai baskis firbmiguim, ja dal læ nokkam vela dak smavva guolekge nuft atte dak æi læk šat æmbo bivdetatte ge. Dal ferttejek dačak bivddet Beskades javrid; mutto mon doavom atte 3—4 jagest nokket vela dainage guolek — vela smavvafirbmiguim.

Savašim dam bitta sisavalddujuvvut darogiel blađidi maidai.

P. L. Somby.

### Likkotesvuotta.

Bivdam saje „Nuorttanastai“ čuovvovaš linjaidi mærkasedin ovta stakkar olbma birra:

24ad april idded læi fina maddel. Ollo šeitak botte Helnæs kœilo njalbmai loddo stengit ja bigje trægga ala vællat. Veba aige mænŋel bonjasti væstas ja læi obba garas, nuft atte okta šeita mi læi lagamus gadde algi rievddat ja ouddalgo motora ožžu jottoi, de bođi šeita gasko varrit ala ja dagai forlisa. Olbmuk njuikko varrit ala ja berse heggi. Okta oasse bierggasin birgetuvvujegje ærai væke bokte, daddeke manne ollo bierggasak mak æi šaddam birggijuvvut. Olbmak legje Ivgost erit ja šeita gulai ovta nuorra bardnai, gi arvvali vahag ožžom arvo mielde bagjel 8000 kruvna.

\*

Bivddosagain satta muittaluvvut atte dabe Makaravjost læmaš loddo gaddest mars mano rajest; mutto guolle i ollingo 17ad april ja bisti dušše 3 4 bæive de vanoi fast; mutto loddo gal læ valljd birra Helnes.

Guollehadde læ dast læmaš 13 evre kilo ja vuoiivvashadde 20 evre.

Loapast savam oasalašvuoda Nuorttanaste redaktora ja su lokkidi gukken ja lakka.

Helnes 24—4—15.

J. Erkebardne.

### Minak.

Okta daina yaralaš værjon mi adnujuvvum dam soađest læ dat nuftgoččuduvvum minak. Dak adnujuvvujek mærast. Minak læk vissa stuo-

ab go farpal ja læ metallast (ruovdes) Devddujuvvujek dievva »sprængstof-fain« ja ankorastujuvvujek gukkas mæra ala. Go skipa sævdnjadin dæivva mannat dam ala bavketa dat cuovkas (eksploedere) daggar hirbmos famoin atte vela dat stuoramus ruovddeskipa-ge (panserskipa) billašuvva ja vuogjo dallanaga. Dat læ hui harvve atte olbmuk šaddet gagjujuvvut. Dak soattefievredægje famok bigjek dai olgus dam varast atte dæivvat sin vašalažaid, mutto dæde bahahabut dpatuvva dat hui davja, atte rafhalaš skipak mak suvdek borramuš galvo ja æra darbašlaš dingaid sin ædnam olbmuidasasek, deivvik mannat daid minai ala ja nuft duššek. Dat læ olles oasse rafhalaš handelskipak, maidai daro, mak dam lakai dam rajest go soatte algi, læ mannam bodnai oktan galvoin ja olbmuguim.

Stata læ damditi ferttim valddet stuora oasse »forsikringas« skipain, lastast, mandskapa ja sin olbmudagain. Muddoi i lifci ožžom olbmuid vuolget olgus skipai mielde ožžom varas borramuš galvo ja æra darbašlaš dingaid.

Dat dpatuvva hui davja, atte minak luovvanek mærašt ja rivddik birra mæra nuft atte mærra olbmak æi sate læt sikkar gostge. Dam darolaš gaddai maidai læ rievddam ollo minak, ja dušše Bergenest læ gagjujuvvum bagjel 150 minak. Atte jabmet almos soadest læ garas, mutto lo-ge gærde værrab læ dam lakai čiegosorbmiujuvvut minain. Mærra olbmak æi læk ovtage čalbmeravkkalæme sikkar hæggest.

\*

Go gordne ja nuft maidai jaffo manganage læ læmaš obba halbbe, læ gordnegilvvim maņas mannam dai maņeb jagid Norgast, ja bondek læ alggam æmbo šivit doaloin. Mutto dat dilalašvuotta mi dal læ sisaloaidastam soade gæčeld læ dakkam, atte olbmuk dam jage rajest galggek gilvvek æmbo gordne, nuft atte mi æp darbaš oastet nuft ollo jaffogalvoid olggoædnamest. Stata adda væke ruđa ja æra dafhost sigjidi gæk dattok gilvvet æmbo gorne.

Sameædnamest æp mate mi gilvvet gorne maidege namatatte; mutto mi sattep gilvvet potetosid; dastgo dak šaddek mæsta mietta min guovlost. Dat læ dušše vaidetatte, atte i gilv-

juvvu æmbo potetos. Mutto aido nuft moft madden lassana gordnegilvvim nuft berre maidai Sameædnamest lassanet potetos gilvvim. Dat erinoamaš biebmogalvvo berre gavdujuvvut valjis buokain sist, gæina læ ædnam. De bæssa olnuš daid oastemest. Mon læm barggam, atte stata olgusjuokka 1000 kruvna dam jage juogadam varas sin gaski, gæk dattok bajasbarggat ođda ædnama potetosi gilvvim varas. Dat i læk nuft ollo, mutto dat šadda dadde vebaš vække sigjidi, gæk ožžok. Dat galgga gilvapotetosen. Dat ođda jotteskuvllaolmai, gutte assa Kistrandast ja amtsagronoma Altast dattoba addet bajasčuvvggitusa ja rađe gilvvema birra, ja valjima ænasortast, nuftgo maidai ouddanbigjat gaibbadusa ožžom varas gilvapotetosid. Mon datom ainas cækket nuft ædnagidi go vejolaš, atte adnet avke dam asatusast alggim varas potetos gilvvema. Dat boatta gilvveami aldseis buorren.

Johs Gjetmundsen.

## Bappahætte Davvenorgast

Bisna Dietrichson čalla »Morgenbladai«

Dam 31 december o. j. legje 15 bapaammata guoros Tromsø stifta 84 ammatin. Daina legje 9 giældabapaammata, 4 stiftskapellan, 1 kaldskapellan ja 1 vækkebappa ammat. Mutto dasa botte vela 2 gielda, mast dat okta bappa gonagaslaš resolution bokte læ ožžom 1 jage balvvalam friavuoda ja nubbe bappa læ fast hilggojuvvum ammatest. Nabbo dalle 17 ammata alma bapa taga.

Ænaš oasse daina hapagiældain læ Sameædnam ammatak ja hui bonito bæld, gost sæstevaš dampajottim bigja su erinoamaš hettetusaides oudi balvvalet riftes lakai, vaiko sist læ giældabappa. — Ouddamærka diti satta namatuvvut, atte Tana, Lebesby ja Kistranda — dak 3 famolaš vuodnanjalme baldalagai davas Sameædnamest buokak læ dal luovos ja alma occitaga. Daid bapagiældaid jalggadassistdoallo læ oktibigjum 13,339,12 kvadratkilometer — daihe 1640,10 kvadratkilometer stuorab go antak Smaalenene, Akershus, Jarlsberg ja Larvik oktibigjum. Olmušalbmuk læ 6851 olmu; dat assa hui biedgoi ja adna sækkalagai 3 giela — daro, sa-

me ja suoma. Mutto dam 3 stiftskapelallanain mak vel læk stiftast i læk ovtastge dovddo dam 2 maņemuš gilli.



Daggobokte diedetuvvu fulkidi ja oappasidi atte mu rakis viellja

Trygve

Lavonjargast Tanast læ guoddam dam morašlašlæge dam 21ad april. Son læi riegam 11ad mai 1906. Su buoccam aige læi garas ja gukke. Su stuoramus illo læi bæssat eriti dam mailmest, nuft dat šaddaige son læ dal bæssam agalaš hærvasvutti gost i læk moraš ja vaivveige mækege givsi. Dobbo galgam mon fast oaidnet mu rakis vielja.

Audogasak læk dak jabmek, gæk jabmek Hærra siste!

Alfred Jessen.

Daggobokte diedetuvvu fulkidi ja oappasidi, atte min rakis ucca nieidaš, ja oabba.

Hanna Ragnhild Sabbasen,

sirdi eret dam mailmest dam 12ad april 1915. dimo 4 ikko 4 jage ja 8 mano boarresen.

Rustefjelbma Tanast dam 16ad april 15 Beret Sabbasen, Sabba Persen Risten, (r. Johannesen.)

Johannes Andreas Sabbasen, Marit K. Sabbasen, Sabba A Sabbasen, Per O. Sabbasen, Nils K. Sabbasen, Elen K. Sabbasen, Ingvall Sabbasen

Dat nummar

šaddai aibbanet vebaš, go redaktora læmaš jottemen Vesteraalast ja šaddai dobbe agjanet gukkeb go læi jurdasam. Mi bivdeþ min lokkid gierddavašvuoda.

## Hirbmos dalkke

—olles orkana — læ hærjedam maņemuš beivid april manost mietta Davve-Norga ja dakkam stuora vahagid ja likkotesvuoda — erinoamačet vel gaddest.

Erinoamačēt orru dat hirbmos dalkke dæivvam Vesteraala, gost dat læ dakkam hirbmos vahagid. Ollo viesok læ billašuvvam ja duššen dak-kujuvvum. Dušše Skjoldehavnast bil-listi 18 stuoreb ja sinaveb viste, eri-namačēt olggovistid, navetid, lavdnje-skajaid, navstoid j. n. v. Muttom bai-kin sirdi stuora navetid ollesnaga ok-tan omiguim, nuftgo maidai manga assamviste billisti. Nubbe bældē Skjol-dehavna fierralatti ovta ucca stoboš njelja gærde birra, man bokte dal-ised, okta 90 jakkasaš agja, časkatalai jamaš ja su æmed fast buli hui sag-ga, go buolle oabman gaččai su ala.

Dverbergast cuvki ovta motor-vadnas. Ovta ođđa viste mi i læm vela assujuvvum, maidai balkkesti vuolas. Nubbe æra dalost šaddai 4-aige ikko dakke eritgaiketuvvut. Akka ja oabba čiegaiga mannažoavkko gæl-lari ja čuožžoiga ječa faktan go orka-na valdi viste erit, ja nissonak čuvvo mielde. Akka oažžo i fastes havid. Son bæšai dadde luovos ja roggai manaides bajas gællarest saddoivuoide. Bæge battaregje si sin aidno sida-guome dalloi.

Maidai mæra aldege læ dakkam æneb ja uceeb vahagid, ja mangas læ massam hægga, erinoamačēt Samead-bivddoværain. Nuft muittaluvvujek Gjesværast duššam 3 olbma 8 olbma Sortvikast ja Hjelmsøast occaluvvujek. Bæralvagest 1 olmai ja Mehavnast 2 olbma duššam.

Dat hirbmos dalkke læ dakkam æmbo vahagid go oktage jurdaš. Æi læk vel sagak gullum birra buok.

\*

Dat hirbmos orkana læ bossum ollo minai deike Davve-Norgi. Nord-landa ja Tromsa amtast læ gavdnum manga mina, gidda vuodnačiegain. I Sameadnamestge læk oalle sikkar. Minak læk hui varalaža mærrajottidi nuftgo maidai dai gaddidi, gosa dak rivddik. Go vanas dasa guoska, de dat bavketa ja satta vahag dakkat gidda duhat meter duokkai. Minak læk birrajorbbaši ja sturrudagast dego farpalbæl ruitto ja ruokšaden malijuv-vum, ja govddo dego jorbba gubbas. Muttom minak galggek læk gukkeda-liš. Juokkehaš berre dam aige læt varrogas sikke mærast ja gaddest. Go oktage oiniš maidege amas dingaid rievddemen mærast daihe gaddest, mi sulastatta mina, de ale eisege dam

guoskata, mutto dieđet dam birra dallanaga lagamuš opsynsolbmai dai-lensmannai daihe maidai lagamuš telefona ja telegrafstationai.

Gavdnam (oaidnimbalkka) læ 10 kruvna minast.

## Mailme-soatte.

Soadest læ dæpatuvvam manga lakai dam rajest go mi maņemus muittaleimek.

### Tuiskalaš

læ ain garas vuottet ja orru šadda-men famolebbun mađe æmbo soatta. Su vašalažak læk gavnatam su gievra-bun ja savrebun go algost gadde.

Tuiskalaš nannida ječas æmbo ja æmbo. Maņemus dæivadæmest sælg-gadi ruoša, gutte fertti battaret. 1000 olbma valdi fangan. Maidai ruoššage vuoti fast nubbe sajest.

### Ruošša

galgga læt tapim oktibuok 71,608 of-fišera ja arvo mielde 4 miljon olbmu, fangek mieldekenastujuvvum.

Stuorab dæivadæmek ain vurd-dujuvujek. I oru vel soade loappa læme lakka.

Juokke dingga divrru dam hirb-mos soade diti.

Dušše riššasaggek læk divrrum 35 evri pakka.

### Bivddo

læ dal alggam obba burist muttom bivddoværain. Dušše sæktevadnevuot-ta læ vaiyedam dam ragjai.

Hadde maidai læmaš buorre. 13 evre kilost ja vuovvasest læmaš gid-da 50 evre littarest.

Maidai njuorjohadde læ buorre, gidda 50 evre kilo.

### Koallahadde

læ fast mannam bajas dam maņeb aiggai. Gavpugin makset dal 75 æb-barest, ja vaddes daidda šaddat koa-laid oažžot dastmaņnel. Likkolaš læ dat, gi muora ja lavnje suitta.

### 800,000

sæka gordnek Ruoššadnamest Norgi. Stata provianteringskommission læ ožžom olgusfiervedam lobe 800,000 sæka gorni Ruoššadnamest Norgi. I daddeke læk ostujuvvum æmbo go 30,000 sæka nuftgo ouddal dieđetuv-vum.

### Dat i dæpatuva nuft davja.

Allanæsoibmelbalvvalussi dast gieskad ovta Hedemarken girkein i læm oktage ouddanboattam særvve-goddest, manditi gieldebappa ja luk-kar ferttiga hæittet ibmelbalvvalusa.

### I oru arra gidđa

šaddamen dam jage. Ollo læ ain muo-ta vuost ja galbma dalkke. Maidai Madanorgast væiddalet sæmma.

### Hammeriest gavpugest

læmaš gieskad dolla luovos ja 2 stuo-ra garddim læ billašuvvam sagga.

### Dal gidđabivdo aige 1915

heive hui vuokaset dinggut ja maksit »Nuorttanaste«, dastgo dal læ rutta olbmuid gaskast. Dinggu dallanaga Same aidno blađe! Muite, atte juok-kehaš gutte dinggu blađe nubbe jakke bællai ja maksa 50 evre oažžo bla-đe dam rajest juo.

Vided »Nuorttanaste«!

## Diedatus!

### Stainarnakek,

mak læk njuvvujuvvum ollesen (jorg-gujuvvum), mak æi læk luddijuvvum ja burist sæltijuvvum, ostujuvvujek alemus haddai must

Garver Eidissen, Tromsø.

### Æskanjuvvum

čabbat giettäguššam boccustæi-kak, čoamahasaš, čielgek-nuftgo maidai rievvsagak ja gurb. makes boccu-, navde ja buok šlai nakek ostujuvvujek alemus had-dai. Gudnalaš ja jotteles opgjøra.

Samegiel čalašæbme.

### O. Nilssen,

Kvalshaug, Sortland.

### Vuoleduvvum haddai.

A. Larsen samegiel muittalus gir-je „Bæivve-Alggo“ vuovdujuvu dal 80 ørei, porto 5 øra. Min kommisio-nærak, bigjek dam muittui.

Girje satta dingujuvvut mu bokte

A. Larsen,

Repparfjord, Finmarken.

»Nuorttanaste« čalle, prenttejægje ja olgus-adde læ Ole Andersen, Korsfjord.